

«Магъарамдхуьруьн район» МР-дин
общественно-политический газет.
Общественно-политическая газета
МР «Магарамкентский район».

ГОЛОС САМУРА

Газет 1951- йисалай акъатзава. № 22 (8288) киш, 10- май, 2025- йис. Къимет 6 манат

САМУРДИН

ССС



ЧІЕХИ ГЪАЛИБВИЛИН 80 ЙИСАН ЮБИЛЕЙДИН СУВАРИН ТЕБРИК

1945- ЙИСАН рикІелай алат тийидай Гъалибвилин йикъалай инихъ гзаф йисар алатнава, чандилайни гїил къачуна Ватандин азадвал хвейибур чи арада амач. Амма чун патал абур эбеди жегїилар ва жуьрэтлу игитар яз, Гъалибвални чи рикІера авай эбеди сувар яз амукьда. Къе чна фронтовикриз, далу патан

ветеранриз ва абурун невейриз 9-МАЙДИН СУВАР рикІин сидкїидай тебрикзава.

Гъалибвилин Юкьуз чаз азадвал ва аслу туширвал гъайи ГЪАЛИБВИЛИЯЙ чІехи несилдиз рикІин сидкїидай чухсагьул лугьуз кланзава ва гъалибчи несилдиз 9-майдин югь мубаракзава.

Гъалибвал къазанмишай

йикъалай инихъ несилар дегиш хъана, чун чІехи хъана. Гила ислягъвилин къаравулда акъваздай чи нубат атанва. Чун бубайрин женгинин адетриз вафалу жадайда хъ ва абур ян тагана давамардайдахъ рикІивай инанмишвал ийиз кланзава.

Чи чІехи уьлкведин халкьарин туьхуьн тийидай Гъалибвилик чи районгъалийрини чпин чІехи пай кутуна. Чи райондай фронтдиз 2500 касдилай гзаф фена. Абурукай Ватандин ЧІехи даяедин ягьунрин майданра 1800 касдилай гзаф телефон хъана.

1 ←

Атлугай а йисара далупата амайбуруни фронт суърсетдалди таъминарун патал юг- йиф зегъмет члугуна. Чаз азадвал ва ислягвал гъайи, и кар патал галатун тийижиз зегъмет члугур вирибуруз кье чна кылер агъзна икрам ийизва.

Гъуърметлу ветеранар ва вири районэгълияр! За квез «Магъарамдхуърън район» муниципальный райондин Администрациядин тварунихъай Чехи Гъалибвили 80 йис тамам хъун мубаракзава. Къуй квехъ сагъвал, бахтлувал, квалахра агалкъунар ва кылел эбеди михъи цав хъурай.

Фарид АГЪМЕДОВ,
«Магъарамдхуърън район» МР-дин Кыл.

ЧЕХИ ГЪАЛИБВИЛИН 80 ЙИСАН ЮБИЛЕЙДИН СУВАРИН ТЕБРИК



БАГЪА ВА ИШИГЪЛУ СУВАР



ЧИ ХАЛКЪДИН кьисметдал дуьньяда виридалайни инсафсуз дяведа Ватандин аслу туширвал ва гележег

хуьнин везифа ацалтна. Тешпигъ авачир хътин имтигъандай чи халкъ, адан Яракълу Къуватар намуслувилелди,

такабурлувилелди, гъалибвилелди экъечІна. Дяве акъалтІай 9- Майдин югъ

→ 3

БАГЪА ВА ИШИГЪЛУ СУВАР

2 ←

чи халкъ патал виридалайни багъа ва ишигълү сувариз эл-къвена.

Чехи Гъалибвили 80 йис тамам хъйи цинин 9- Майдин югъ Магъарамдхууре пайдахри, лозунгри, плакати, цуькверин клунчлари, гуь-гуьлар шад инсанри мадни гуьзел авунай. Чина хъвер авай, рикле суварин гъевес авай инсанри сада-садаз гъил къаз Чехи Гъалибвили сувар риклин сидкыдай мубаракзавай.

Сятдин 9 даз кыле райондин руководителар ва зегъметдин ветеранар, Дербентдин пограничный отряддай атанвай пограничникрин десте авай, райцентрдин идарайрин, карханайрин работникрин, школьникрин колоннаяр музыкадин ван кылеллаз Ватандин Чехи дяведа телеф хъйибуруз эцигнавай гуьмбетдал рекъе гъатна. Анал райондин руководителри, дяведин ва зегъметдин ветеранри, школьники венокар ва цуьквер эцигна.

Ахпа демонстрациядин иштиракчийрин колоннаяр културадин Квалин гъаят-диз хтана. Ина суварин шад-вили митинг кыле фена. Митинг тебрикдин гаф рахуналди «Магъарамдхууьн район» МР-дин кыл Фарид Агъмедова ачухна. Вичин тебрикдин рахуна Фарид Загъйидиновича къейдна: «-Чи уьлкведин тарихда Ватандин Чехи дяведи къетлен чка къазва. Дяведин бедбахтвилер гзаф заланбур, мусибатдинбур хъана. Гъавилай, Гъалибвили юкьуз чи халкъди



Ватандин азадвал ва аслу туширвал патал чандилайни гъил къачуна женг члугур аскеррин лайихлувилер къейд ийизва, къенин уьмуьр патал чпин чанар гайибур рикел хкизва. Дяве 1814 юкьуз ва йифиз давам хъана. Ада чи уьлкведиз гафаралди лугъуз тежедай къван зиянар гана. Сан-гъисаб авачир къван ше-

гъерар ва хуьрер чукурна, цлуд миллионралди инсанрин къисметар члурна. Къе чна чи къагъриман аскерриз баркалла лугъузва ва Ватан патал чанар гайи вирибурун вилик кбилер агъуззава. Дяведин женгерани душмандин далу пата къалурай игитвилериз килигна Цикъвед

→ 4



БАГЪА ВА ИШИГЪЛУ СУВАР

3 ←

агъзурдав агакъна аскерар Советрин Союздин Игит лагъай члехи тlварцлиз лайихлу хъана.

Дяведа душмандин винел Гъалибвал къазанмишунин рекъе чпин пак тир буржи чи райондин зегъметчийрини намуслувилелди кылиз акъудна. Дагъустанвияр «Вири фронт патал» эвер гуниз жаваб гун патал душмандиз акси дяведиз къарагъна. Женгерани далу пата къалурай къегъалвилерай вишералди районэгълийриз орденарни медалар гана. Районэгълийрикай гзафбуру зегъметдин фронтдани дурумлувилелди чешне къалурна. Гъалибвилин югъ мукъва авуник лайихлу пай кутуна. Амма дяведи миллионралди инсанрин риклера туькъуьлвилер, пашманвилер хажалатар туна, къуьнерал хкажиз тежедай парар къаз туна. Гъавилай, дяведин йисарин

→ 5



БАГЪА ВА ИШИГЪЛУ СУВАР



4 ←

инсанрин несилдин патриот-
вилини гъуналар, крар гъич
рикелай алатдач.

Гъурметлу ветеранар ва
вири районэгълиар, квез Чехи
Гъалибвилини 80 йис тамам
хъунин сувар мубаракрай,

Къуй куь квалера, хуьрера,
санлай уьлкведа даим ислягъ-
вили агъавал авурай!».

Митингдилай къулхъ гъе-
вескар артистри Чехи кон-
церт гана, спортдин акъажу-
нар кьиле фена. Чехи Гъа-
либвилини 80 йисаз талуькар-

навай суварин шадвилер рай-
ондин вири хуьрера кьиле
фена.

Р. МУРАДАЛИЕВ.

С. БУХСАЕВАН шики-
лар.



КЪУЛИЕВ Якъуб Къули-
евича Ватандиз къуллугъ аву-
нин рехъ 1918- йисуз башла-
мишнай. Генералди, Ленинан
ордендин сагъибди 1942- йи-
суз вад лагъай ударный арми-
ядин атлуйрин къуд лагъай кор-

Лезги генералар

ЦИИНИН йисуз Ватандин Чехи дяведа гъалибвал къа-
занмишна 80 йис тамам хъанва. Гитлераз акси женгера
Советрин Союздин вири халкъарин арада, гъелбетда, чи
миллетдин векилрини иштиракнава.

Кичлевал гъич гъисс тавуна фронтдиз гъар са хи-
зандай вилегъ бубаярни рухвар рекъе гъатна. Вад хъи-
кай СССР-дин Игитар хъана, амайбур орденрин, медал-
рин сагъибар яз хтана. Офицерар-командирар хъайи пуд
касди- полковник Хийирбег Заманова, генералар Магъмуд
Абилова, Якъуб Къулиева дивизийриз регъбервал гана.

Къе абур рикел хъун кутугнава.

пусдин командующийдин за-
местителдин везифаяр кьиле
тухузвай ва атлуйри Сталин-
град шегъер душмандикай хуьн
патал кьиле тухузвай женгера
иштиракзавай. Гъа и йисан де-
кабрдин вацра Къулиевал залан
хер хъана. Ташкентдин госпи-
талда ам рагъметдиз фена.

Якъуб Къулиеван стха Къу-
ланни Ватандин Чехи дяведин
иштиракчи, полковник тир.

АБИЛОВ Магъмуд Рзае-
вич 1898-йисуз Кцлар райондин
Укур хуьре дидедиз хъана. Яру
Армиядин аскер яз къуллугъ

→ 6

Лезги генералар

5 ←

авур лезги дидедин хва геле-жегда генерал-майорвили чиндиз лайихлу хъана. Граждан даяведани иштираккай ада



1938-йисуз батальондиз регьбервал гузвай. Ватандин Чехи даяедин йисара ам дивизиядин командир тир. Москва душмандин гужумрикайни хвейи викIегь генерал Берлиндиз кван фена. Ада регь-

бервал гузвай дивизияди гзаф женгера гъалибвилер къазанмишна. Ихътин къегъалвилерай адаз Суворован II дережадин, Кутузован II дережадин, Богдан Хмельницкийдин, Яру Гъед орденар гана. Ам гъакI, США-дин Гъурметдин Хаш I дережадин ордендин сагъибни я. Уьлкведин Верховный Главнокомандующий И.В.Сталина М.Абилован лайихлувилер вичин приказра ирид сеферда къейдна. Сталинан патай адаз пишкешай къизилдин къакара авай гапур алай вахтунда КцIарин тарихдин музейда ава.

Полковник ЗАМАНОВ Хийирбег Демировича дивизиядиз регьбервал гана. 1907-йисуз Усугъайдал дидедиз хъайи ам 1929-йисуз Яру Армиядин жергейрик экечIна. Вичин къуллугъ намуслувилелди тамамарзавай къегъал хъиз полковникдин чин гана. Ватандин Чехи даяедин йисара ада дивизиядихъ галаз Орел, Воронеж, Киев, Львов, Краков ва маса шегъерар азад-

на. Къалурай къегъалвилерай Х.Замановаз Ленинан, Яру Гъед, Суворован, Кутузован,



Невскийдин, Ватандин даяедин сад лагъай дережадин орденар гана. Адан лайихлувилерни И.В. Сталинан приказра са шумуд сеферда къейднава. Даяедалай гуьгъуьниз и уьтквем касди Буйнакск, Махачкъала шегъерра военный комиссардин везифаяр тамамарна.


Владик БАТМАНОВ.

КЪЕГЪАЛ РАЗВЕДЧИК

1941-1945- ЙИСАРА кыле фейи Ватандин Чехи даяедин цIаяр хкахъна 80- йис хъанватIани, инсанрин рикIелай абур садрани алатдач. 1941- 1945- йисара хъайи къызгъин женгера гъепцегъвийрини къегъалвилелди иштиракна. Гъепцегърин хуьрай даяедиз фейи I50 аскерди-кай, I0I аскердиз элкъвена хкведай кымсет хъанач, абур чпин чанар даяеда къурбандна. Гъалибвилик чпин

пай кутур гъепцегъвийрикай сад зи азиз буба Нагъметуллаев Нуьсрет Нагъметуллаевич я. Ам 1924- йисуз дидедиз хъана. 1941- йисуз ирид классдин школа куьтягъай жегъил аял Дербент шегъердиз малимвили курсар кIелиз фена. Малимвили курсар кIелай жегъил хуьруьн школадиз гъвечIи класриз тарсар гуз хтана.

→ 8





ЯШАЙИШДИН РЕКЪЯЙ КЪЕЗИЛВИЛЕР ВА ЗАМИНВИЛЕР

- ★ Ипотекадин кърлушдилай менфят къачуна Россиядин оборонадин министерстводин такъатрихъ квалер маса къачудай мумкинвал;
- ★ Квалахдин рекъай квалер ва я квал кирида къуна харж авур пул элкъвена вахкун;
- ★ Военно-медицинский идарайра пулсуз сагъламвал ахтармишун, сагъар хъувун;
- ★ Уьмуьр ва сагъламвал федеральный бюджетдин гысабдай страховать авун;
- ★ 20 йисуз къуллугъ авурдалай къулухъ льготаяр авай пенсия къачудай ихтиярар хъун;
- ★ Дяведин гьерекатрин ветерандин дережа ва талукъ тир къезилвилер

ДЯВЕДИН МАХСУС СЕРЕНЖЕМ КЫЛЕ ФИЗВАЙ ЗОНАДА ГУЗВАЙ МАЖИБАР

Взводдин командирдин заместитель-отделенидин командир	вацра 250 агъзурдалай виниз
Отделенидин командир	вацра 238 агъзурдалай виниз
Штабдин инструктор	вацра 234 агъзурдалай виниз
Командно-штабный машиндин радиостанциядин начальник	вацра 232 агъзурдалай виниз
Старший сапер	вацра 216 агъзурдалай виниз
Старший телефонист	вацра 224 агъзурдалай виниз
Гранатометчик	вацра 211 агъзурдалай виниз
Улакъ гъалзавайди	вацра 216 агъзурдалай виниз
Ашпаз	вацра 211 агъзурдалай виниз
Лишанчи	вацра 210 агъзурдалай виниз
Улакъ гъалзавайди-электрик	вацра 222 агъзурдалай виниз
Пулеметчик	вацра 216 агъзурдалай виниз

Яракълу къуватрин жергейра икърардин бинедаллаз къуллугъ авун патал арза кхъена, герек идарадив агакърдай къайдаяр:

- ★ Жува, почтадин куьмекдалди, телефондин куьмекдалди - икърар кутлундайбур хкызавай чкадиз ва я военный комиссариатдиз
8 (989) 484-69-95

- ★ Россиядин оборонадин министерстводин сайтда авай агъалидин хсуси кабинетда службапоконтракту.рф
контракт05.рф

- ★ Гьукуматдин къуллугърин сад тир порталда авай "Икърардин бинедаллаз къуллугъ авун" электронный сервисдин куьмекдалди
госуслуги.рф

Икърардин бинедаллаз къуллугъ авуниз талукъ суалар гуз жедай къуллугъдин "кудай" линия – 117



6

1942- йисуз 18 йисни бегъем тахъанвай жегъил гада гуьгъуьллувилелди дяведиз рекъе гъатна. 337- стрелковый дивизиядин ПЗІ- стрелковый полкуна разведчик хъана. 1944- йисуз Польша немсерикай азаддайла залан хер хъайи Нуь-

КЪЕГЪАЛ РАЗВЕДЧИК

срет буба Иркутск шегъердин госпиталда хъана. «За боевые заслуги» ва са шумуд маса медалрин ва ордендин сагъиб хъайи Нуьсрет буба 1946- йисуз хуьруьз хтана, гъа йисуз эвленмиш хъана. 1947- йисуз Дербент шегъердин В.И.- Ленинан тІварунихъ галай педучилищедик экечІна. 1952- йисуз анаг лап хъсан чирвилер аваз акъалтІарна. Къве йисуз хуьруьн школада малимвиле кІвалахна, 1954- йисуз Дагъу-

стандин меркезда авай высший партийный школа куьтягъна. 1957- йисуз партиядин школа куьтягъайдалай кюлухъ гъар жуьредин кюллулугъар авуна. 1967- йисалай вичин малимвиллин пеше давамар хъувуна, вич рагъметдиз фидалди хуьруьн школада тарихдин тарсар гана. Санал вичин юмуьрдин юлдаш Ханумахъ галаз І0 велед 7 хвани 3 руш, тербияламишна шегъредал акъудна. Баркаллу Гъепцегърин хва хуьруьнвийри, мукъва- къилийри садрани рикІелай алудзавач. Гъамиша эбеди яз рикІера амукъдайдал са шакни алач.

ЖАННА.

ГЪЕПЦЕГЪРИН ХУЬРЕ

Вишни са тІвар куьн вишни са векил тир,
Ватан хуьз фейи чи Гъепцегърин кимелай.
Куьн гъар сад чи михъи рикІин гуьгъуьл тир,
Хуьре даим алуд тийиз рикІелай.
Куь девирдин гъам, зиллетдиз килигна,
Анжах ислягъ жигъир къуна фин патал,
Куь гуьрметдай хуьре гуьмбет эцигна,
Багъа тІварар халкъдин рикІе хуьн патал.
Рухвайри къе куь хтулприн гъилер къаз,
Къвез украмда, рикІиз багъа тІварариз.
Чпин жуьрэт артухарда кьинер къаз,
Къуватар гуз вуч къван хъсан ксариз.
Эй хтулар! Гуьмбетдаллай бубайрин,
Гъа куьн къван тир кІвалай абур фидайла.
РикІе агъур дерт эцигна балайрин.

Душманрикай хайи Ватан хуьдайла.
Арабир къвез украм ая гуьмбетдиз,
Экуь къамат фикирдиз гъваш бубайрин.
Са хуш гаф лагъ абурун руьгъдин гуьрметдиз,
Ам буржи я намус авай рухвайрин.
Фикирдиз гъваш мурадари жегъилприн,
Мехъер патал са вахт тахъай къисметда.
ЦІай куькІурна кІани рушан гуьгъуьлприн,
Бегъер тахъай муьгъуьббатдин девлетда.
Акі яхъ куьне абурун руьгъер хтана,
Куь багърияр агатна и гуьмбетдив,
Куь рикІин гъисс кІанивиле ацІана
Майил агуд и накъвадин гуьрметдив.
Икрам ая, са декъикъа секинра,
Ислягъ лиф хъиз акъваз вилек къегъалприн.
Са женгчи хуьхъ гъахъмир гъамлу деринра,
Абурун килиз тефей гъамлу хиялприн.

ИСМИХАН КЪАДИМОВ.

Хъартаскъазмайрин СОШ-дин 11- класс куьтягъайдан гъакъиндай 2012- йисуз Сайидалиев Максудаз гайи 05 АБ 0067857- нумрадин аттестат квахъуниз килигна **къуватда амачири яз гъисабин.**

Гилийрин хуьруьн юкъван школадин 11-класс куьтягъайдан гъакъиндай 1998- йисуз Илясбегов Элмараз гайи 2629893- нумрадин аттестат квахъуниз килигна, **къуватда амачирди яз гъисабин.**

**Къилин редактор
Р. АБДУРАГЪИМОВ.**

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче, 4.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.
Чапун патал къул чІугуна- 15.00.**

Газетдин регистрацйдин нумра- Д 0174

Газет ООО «Самур» типографияда гъазурна ва гъана чапна. Типографиядин ва издательдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чІап.
**Индекс 63340. Тираж 1400
Заказ № 22.**

6+